

Saksprotokoll i 14.02.2020 - fylkesutvalet

Knut Inge Andersen (FNB) sette fram slikt forslag:

«Alternativ:

Punkt 2

Institusjonane Bergen Filharmoniske Orkester og Den Nasjonale Scene vert framleis 100% statleg ansvar.»

Terje Søviknes (Frp) sette fram slikt forslag:

«Alternativt framlegg til pkt. 2

2. Fylkestinget sluttar seg til det statlege framlegget om oppgåve og ansvarsoverføring til Vestland fylkeskommune slik det kjem fram i saka, med unntak av Statsraad Lehmkuhl som bør være eit statleg majoritetsansvar.»

Avrøysting

Innstilling punkt 1, 3-4 og 5-7 vart samrøystes vedteke som innstilling til fylkestinget.

Søviknes sitt forslag fekk 4 røyster (Frp, FNB) og fall.

Andersen sitt forslag fekk 4 røyster (Frp, FNB) og fall.

Innstillinga punkt 2 vart vedteke som innstilling til fylkestinget mot 4 røyster (Frp, FNB).

Innstillinga punkt 4 (første avsnitt) vart samrøystes vedteke som innstilling til fylkestinget.

Innstillinga punkt 4 (andre avsnitt) vart vedteke som innstilling til fylkestinget mot 7 røyster (H, Frp, FNB).

Innstilling til fylkestinget

1. Vestland fylkeskommune sluttar seg til dei grunnleggande målsettingane i kulturmeldinga og regionreforma om å overføre budsjettmidlar og ansvar frå Kulturdepartementet til fylkeskommunen. Fylkestinget støtter det kulturpolitiske målet som er å styrke kulturen og heve statusen for kultur som politikkområde på alle forvaltningsnivå.
2. Fylkestinget sluttar seg til det statlege framlegget om oppgåve og ansvarsoverføring til Vestland fylkeskommune slik det kjem fram i saka. Fylkeskommunane som no utgjer Vestland har lang tradisjon som fødselshjelpar og medfinansior innanfor kulturområdet, både til faste kulturinstitusjonar og frie aktørar, og er fullt i stand til å ta på seg utvida oppgåver på dette området til beste for kulturlivet i Vestland.
3. Fylkestinget strekar under at overføring av ansvar og oppgåver på det kunst- og kulturpolitiske området er avgjerande for at regionreforma skal lukkast.
4. Fylkestinget føreset at overføring av oppgåver og ansvar til fylkeskommunen medfører full økonomisk kompensasjon på 2021-nivå, og at nivået på løyvingane til kunst- og kulturinstitusjonane vert oppretthalde.

Fylkestinget presiserer og strekar under at fylkeskommunane treng gode økonomiske overføringer for å styrke kulturlivet i heile Noreg. Vestland er eit stort kulturfylke som forvaltar lokal, regional og nasjonal kulturarv. For å trygge og vidareutvikle kulturlivet i Vestland er det avgjerande at fylkeskommunen får meir midlar frå statsbudsjettet til kultur, i tillegg til dei overføringane som kjem med oppgåveoverføringa. Staten må også bidra med dei store investeringane som Vestland treng for å trygge og vidareutvikle våre store kulturinstitusjonar. Oppgåveoverføringa kan ikkje vere ei kvilepute for den statlege kulturpolitikken og finansieringa.

5. Fylkestinget legg til grunn at staten framleis skal ha ansvar for overordna oppgåver som krev eit nasjonalt overblikk. Staten skal vidare, gjennom oppfølging og revisjon av kulturlova og nasjonale forventningar til planlegging, leggja grunnlaget for ein sterk nasjonal kulturpolitikk.
6. Fylkestinget støttar tilrådinga frå Norsk Kulturråd om utvikling av ein struktur av regionale ressurs- og kompetansesentra for profesjonell kunst innanfor ulike uttrykk og sjangrar. Det er viktig at regionalpolitisk planlegging og regionale behov vert lagt til grunn for denne utviklinga.

7. Fylkestinget føreset at det vert lagt opp til forpliktande, formalisert dialog mellom forvaltningsnivåa på kulturområdet, både politisk og administrativt, for å styrka den nasjonale kulturpolitikken og å samordna arbeidet til beste for institusjonane.